

ւանութիւնս, յետ որոյ ամայի մնացեալ անապատ՝ ի
 Հոկտեմբեր ամսոյն մինչ ի Սուրբ Ծննդեանս: Եւ ա-
 րարին նոր իմն դաւ ընդ Ե եկեղեցոյն թէ Զեկեղեցոյ
 մերում խարճ ի վերայ ձեր առէ՛ք և մեք ցրուիմք ի
 ձեզ, և կամ ի մէնջ հարկ մի՛ առնէք: Եւ շատ օր
 յայս ընթացան և նոքա ոչ համարեցան իրբեւ զշունս:
 Եւ յետոյ խանութ առ խանութ եւ տուն առ տուն եր-
 թեալ իրիցովք՝ թէ յԱստուածածին երթամք, ընդ մեզ
 եղիք՝ զի ի հարկէ ազատիցիմք. եւ նոքա զիտէին
 զհարութիւնս նոցին, ոչ հաւատալով նոցա, բայց ըստ
 այսմ երիցունքն ևս ընդ նոսա զիջանէին՝ թէ կարաս-
 ցեն հոգալ: Եւ երթեալ ոմամք յեկեղեցի Սուրբ Աս-
 տուածածնի թէ Մեր Ժողովուրդն առ ձեզ կու գայ և
 մեք ևս եկաք ընդ ձեզ. խունկ և մոմ և ամենայն
 իրաւունք ի ձեզ գայ, խարճ ևս դուք տվէք: Եւ այ-
 սու Աստուածածնիք ի բանէս ոչ կասեցին և ոչ պար-
 տեցան և ոչ խօսէին բնաւ ընդ նոսա. և զերիցունսն
 ոչ կանգնեցուցին ի դասս իւրեանց, ո՛չ փոխ և ոչ քա-
 րող և ոչ կարգ: Եթէ լինէր փոխ կամ զքարող սկսա-
 նելն Սուրբ Սարգսոց՝ յԱստուածածնիք ի բերանոցն
 առնէին, զի ամօթով լռելով զյետին տեղն ունէին,
 և ողջօյն ևս ոչ առնէին ընդ նոսա: Եւ մեք ընդ նո-
 սա ոչ գնացաք և կամ շարժեցաք ի տեղւոջէ մերմէ,
 որպէս և յառաջագոյն էաք, թէպէտեւ շատ աղաչե-
 ցեալ լինէաք յերիցանց ծանօթից, այլ կայաք վրա-
 ւորեալք ի նոցանէ հանապազ: Եւ նոքա երթային և
 գային անդ և տեսանէին զինքեանս անհամա և զգործսն
 անդէպ. և երիցունք այնմ եկեղեցոյն արհամարհէին
 զսոսա, վրաւորէին և ծաղր առնէին, մինչ զի ոմանք
 յայնցմանէ հիւանդանային. նաև ի չարեացն ատելիք
 և ամօթալիցք ի սկզբանէ մինչև ցայժմ, և անտի ևս
 եղեն հրաժարեալք նախատանօք, որ ինչ ոչ կարացին
 առնել: